

HIERONYMUS.

ΕΥΣΕΒΙΟΣ.

EUSEBIUS.

¹ GETHEFER, in tribu Zabulon.

Γεθθεφά, κλήρε Ζαβουλών, φά-
ραγγες Εφθαέλ κλήρε Ζαβουλών.

GETHTHEPHA, fortis Zabulon, prærupta loca Ephrael, fortis Zabulon.

GETHHEPHER. Vide proximè GETHEFER.

GETHREMMON. Vide paulò post GETREMMON.

² GETHSEMANI, locus ubi Saluator ante passionem oravit. Est autem ad radices montis Oliveti, nunc Ecclesia desuper edificata.

Γεθσημανή, χάριον, ἔνθα πρὸ τοῦ πάθους ὁ Χριστὸς προσήξατο. κεῖται δὲ καὶ πρὸς τῇ ὄρει τῶν ἐλαιῶν, ἐν ᾗ καὶ νῦν τὰς εὐχὰς οἱ πιστοὶ ποιῶσθαι σπεύδουσιν.

GETHSIMANE, locus, in quo ante passionem Christus oravit. Est autem situs ad (radices) montis olivarum, in quo etiam hodie fideles studiose precantur.

³ GETREMNON, in tribu Manasse civitas separata Levitis.

Γεθρεμμών, φυλῆς Μανασσῆ, πόλις Λευίταις ἀφωρισμένη.

GETHRETHREMMON, tribus Manasse, civitas Levitis separata.

⁴ GETREMMON, aliacivitas in tribu Dan separata Levitis. Est autem nunc villa prægrandis in duodecimo milliario Diospoleos pergentibus ad eam de Eleutheropoli.

Γεθρεμμών, ἑτέρα κλήρε Δαν, Λευίταις ἀφωρισμένη. καὶ νῦν ἐστὶ κώμη μεγίστη ἀπὸ σημείων β' Διοσπόλεως ἀπὸ τῶν εἰς Ἐλευθερόπολιν.

GETHREMMON, alia fortis Dan, Levitis separata. Et nunc est vicus maximus in duodecimo milliario abeuntibus Diospoli Eleutheropolim.

GEZER. Vide suprà GAZER.

GEZERON, cujus fit mentio, 1 Machab. iv. v. 15. non est alia mea sententia à Gazer, de qua suprà in tribu Ephraim. Neque obstat quod Idumæa, de qua ibi sermo, esset ad Austrum loco illi, in quo commissum erat prælium: vult enim Scriptura indicare fugientibus hostibus in varias partes, Israëlitas etiam eos usque eas plagas fugientes persecutos fuisse; aliquos quidem ad Austrum versus Idumæam refugientes; alios ad Septentrionem versus Gazer, quibus in locis Israëlitarum hostes habebant amicos & confederatos.

GIDEROOTH, urbs in tribu Juda, Jos. xv. v. 41.

GIHON. Vide paulo post GION.

⁵ GILON, unde fuit Achitophel.

Γιλών, ὅθεν ἦν Ἀχιθίφελ.

GILON, unde erat Achitophel.

⁶ GION, ubi Salomon unctus est in regem.

Γειών, ἔνθα χρίεται Σολομών.

GION, ubi ungitur Salomon (in Regem.)

⁷ GISON, in tribu Juda.

Γισών, φυλῆς Ἰούδα.

GISON, tribus Juda.

GNIDUS, Ptolemæo & Straboni Asiæ oppidum in Doride regione ac peninsula juxta Rhodum sita. Quin & ipsa Rhodus insula, si Hesychio credimus, Gnidus vel Cnidus dicta fuit.

GOATHA, locus Hierosolymæ vicinus, Hierem. xxxi. v. 39.

⁸ GOB, ubi commissum est prælium.

Γώβ, ἔνθα συνέστη πόλεμος.

GOB, ubi commissum est prælium.

N O T A.

1. De hac habes Jos. 19. v. 13. ubi dicitur Gethhepher. Ex hac fuit Jonas Propheta, qui 4 Reg. 14. v. 25. dicitur fuisse de Geth, quæ est in Opher. De hac ita Hieronymus in proœmio ad Jonam Prophetam. Porro Geth in secundo Sephorim milliario, quæ hodie appellatur Diocæsarea evnibus Tiberiadem, haud grandis est viculus, ubi & sepulchrum ejus (Jonæ scilicet) ostenditur. Quamquam alii juxta Diospolim, id est, Lyddam, eam & natum & conditum velint, non intelligentes hoc quod additur Opher, ad distinctionem aliarum Geth urbium pertinere, quæ juxta Eleutheropolim, sive Diospolim hodie quoque monstrantur. Quæ verba Hieronymi visus est malè intellexisse Adrichomius, qui Geth Philisthæorum urbem ait tempore Hieronymi vocatam fuisse Diocæsaream: qua in re, meo judicio, duplex vel error est, vel memoriæ lapsus: Hieronymus enim de Geth, quæ est juxta Sephorim loquitur, sive de Gethhepher, non de Geth urbe Palæstinæ, ut ex ejus verbis manifestum est: deinde Hieronymus non dicit Geth vocatam esse Diocæsaream, sed Sephorim; ad eam enim illud relativum, quæ, est referendum, cum & alibi diserte asserat Hieronymus Diocæsaream esse Sephorim vel Saphorinem; ut supra in voce Araba. Quin & Adrichomius ipse tandem asserit Sephorim Diocæsaream esse dictam. Porro Gethhepher hæc urbs dicitur, quasi dicas, ut innuit Hieronymus supra, Geth quæ est in terra Heber vel Eph: de terra autem Eph fit mentio, 3 Reg. 4. v. 10. quam ibi esse illam ipsam statuimus juxta mare Galilææ, ubi hæc urbs sita erat, de qua & nos supra in Eph. BONFRERIUS.

2. Significat hæc vox vallem olei vel pinguedinis. IDEM.

3. De hac habes, Jos. 21. v. 25. ubi & Leviticis civitatibus annumeratur: in nostra autem versione Gethremmon scribitur. Eadem videtur cum ea, quæ 1 Paral. 6. v. 70. Baalam appellatur. Intellige autem fuisse in dimidia tribu Manasse Cis-Jordanina. Significat autem hæc vox torcular malogranati. IDEM.

4. Hæc pariter Gethremmon in nostra versione conformiter Heb. voci appellatur. Hanc habes Danitis attributam, Jos. 19. v. 45. Leviticis urbibus annumeratam, Jos. 21. v. 24. & 1 Paral. 6. v. 69. etiam enim

hoc posteriore loco videri possit tribui Ephraim adscribi, ea tamen haud dubiè Danitarum fuit, ob idque estimandum est Leviticis civitates tribus Dan (de quibus alibi toto eo capite nusquam agitur) ibi in unum cum civitatibus Leviticis tribus Ephraim conjectas esse. Verum an hæc alia à Geth Philisthæorum? non videtur hic Hieronymus distinguere, qui utramque in via, quæ de Eleutheropoli Diospolim itur, constituit quinque millibus quidem Eleutheropoli distantem, at à Diospoli duodecim milliariis distitam. Distinguit tamen Adrichomius, qui neque constitutas ab Hieronymo distantias servat, neque in recta via, quæ ex Eleutheropoli Diospolim itur, eas constituit. Fateor rem mihi nonnihil esse dubiam, sive quia in eodem tractu erat hæc & illa, sive quia non videtur dubitari posse quin Geth Philisthæorum in sortem tribus Dan ceciderit: at si ea nomine Gethremmon non significetur, cum Danitica referuntur civitates, Jos. 19. nulla ejus facta fuerit mentio, quæ tamen una esse debuit è præcipuis Danitica tribui assignatis. Verum in re dubia & obscura Hieronymi & aliorum, qui non videntur distinguere, opinioni malo adherere. IDEM.

5. Gilo, hæc urbs in tribu Juda appellatur in versione nostra, Jos. 15. v. 51. unde & patronymicum nomen Achitophelis, Gilonites. IDEM.

6. Fuit hic fons ad Occidentem montis Sion, & ad ejus radices eo loco ferè ubi muri montis Sion ab Occidente in Meridiem flectuntur. Dicitur autem in nostra versione Gibon. Alio nomine fons Siloè dictus. Sed de hoc fonte plura à nobis dicenda sunt, 3 Reg. 1. v. 33. IDEM.

7. Hæc urbs in versione nostra Gosen appellatur, Jos. 15. v. 51. IDEM.

8. At hoc non est loci situm designare, cum in locis quamplurimis commissa sint prælia. Aliquid diceretur, si diceretur hoc bellum commissum esse adversus Philisthæos, quod de duobus bellis adversus Philisthæos gestis asseritur, 2 Reg. 21. v. 18, 19. Verum quaeritur quisnam, & ubi sit locus ille Gob dictus? Respondeo ego esse urbem Gazer, quod è Scriptura constat, quod enim bellum adversus Philisthæos commissum dici-